

מגילת איכה

MEGILLAT EICHA

**The text is used with permission of the
Davka Corporation**

Produced in Large Print by

**JBI International, Inc.
110 East 30th Street
New York, NY 10016**

212 889-2525 800 433-1531

www.jbilibrary.org

מגילת איכה

פרק א:

(א) אֵיכָה יִשְׁבָּה בְּדָד הָעִיר רַבַּתִּי
עִם הָיְתָה פְּאַלְמֹנָה רַבַּתִּי בַגּוֹיִם
שָׁרְתִי בַמְּדִינֹת הָיְתָה לְמִסִּי:
(ב) בָּכוּ תְבַכֶּה בַלַּיְלָה וְדַמְעָתָה עַל
לְחֵיהֶ אֵין-לָהּ מְנַחֵם מִכָּל-אֲהַבֶּיהָ
כָּל-רְעֵיהָ בָּגְדוּ בָהּ הָיוּ לָהּ
לְאִיבִים: (ג) גָּלְתָה יְהוּדָה מֵעֲנִי
וּמִרֵב עֲבָדָה הִיא יִשְׁבָּה בַגּוֹיִם לֹא
מִצָּאָה מְנוּחַ כָּל-רֹדְפֶיהָ הַשִּׁיגוּהָ
בֵּין הַמְּצָרִים (ד) דְּרָכֶי צִיּוֹן אַבְלוֹת
מִבְּלִי בָּאִי מוֹעֵד כָּל-שְׁעָרֶיהָ
שׁוֹמְמִין כִּהְנִיחָ נֶאֱנַחִים בְּתוֹלְתֶיהָ
נוֹגוֹת וְהִיא מֵר-לָהּ: (ה) הָיוּ צָרֶיהָ
לְרֹאשׁ אִיבֶיהָ שָׁלוּ פִי-יְהוָה הוֹגָה
עַל רֵב-פְּשַׁעֶיהָ עוֹלָלֶיהָ הִלְכוּ שְׁבִי

לפני-צָר : (ו) וַיֵּצֵא מֶן-בַּת-
[מִבַּת] - צִיּוֹן כָּל-הַדָּרָה הָיוּ שָׁרֵיהָ
כְּאֵילִים לֹא-מִצְאוּ מְרֻעָה וַיִּלְכוּ
בְּלֹא-כַח לְפָנֵי רוּדֹף : (ז) זְכָרָה
יְרוּשָׁלַם יָמִי עֲנִיָּה וּמְרוּדִיהָ כָּל
מִחְמַדֶּיהָ אֲשֶׁר הָיוּ מִיָּמֵי קָדָם
בְּנִפְלַעַת עִמָּה בְּיַד-צָר וְאִין עוֹזֵר לָהּ
רְאוּהָ צָרִים שָׁחֲקוּ עַל מִשְׁבַּתָּהּ :
(ח) חֵטָא חֵטָא הָיְתָה יְרוּשָׁלַם עַל-פְּנֵי
לְנִידָה הָיְתָה כָּל-מְכַבְּדֶיהָ הִזְיִלוּהָ
כִּי-רְאוּ עֲרוֹתָהּ גַם-הִיא נֶאֱנַחָה
וַתֵּשֶׁב אַחֲרָי : (ט) טִמְאַתָּהּ
בְּשׁוּלֶיהָ לֹא זְכָרָה אַחֲרֵיתָהּ וַתֵּרֶד
פְּלָאִים אִין מְנַחֵם לָהּ רְאֵה יְהוָה
אֶת-עֲנִיִּי כִּי הִגְדִּיל אוֹיֵב : (י) יָדוּ
פָּרַשׁ צָר עַל כָּל-מִחְמַדֶּיהָ כִּי-
רְאֵתָהּ גּוֹיִם בָּאוּ מִקְדָּשָׁהּ אֲשֶׁר
צִוִּיתָה לֹא-יָבֹאוּ בִּקְהָל לָדָּ :

(יא) כָּל-עַמָּה נֶאֱנָחִים מִבְּקָשִׁים
לֶחֶם נָתַנוּ מִחֲמוּדֵיהֶם
[מִחֲמֻדֵיהֶם] בְּאֹכַל לְהָשִׁיב נַפְשׁ
רְאֵה יְהוָה וְהִבִּיטָה פִּי הֵייתִי
זוֹלָלָה: (יב) לֹא אֵלֵיכֶם כָּל-עַבְרֵי
דֶרֶךְ הַבֵּיטוֹ וְרָאוּ אִם-יֵשׁ מִכָּאוֹב
כְּמִכְאֹבִי אֲשֶׁר עוֹלָל לִי אֲשֶׁר הוּגָה
יְהוָה בְּיוֹם חֲרוֹן אַפּוֹ: (יג) מִמָּרוֹם
שָׁלַח-אֵשׁ בְּעֶצְמֹתַי וַיִּרְדְּנָה פֶרֶשׁ
רַשֶׁת לְרַגְלֵי הַשֵּׁיבַנִי אַחֲוֹר נִתְנַנִּי
שִׁמְמָה כָּל-הַיּוֹם דָּוָה: (יד) נִשְׁקַד
עַל פְּשָׁעַי בְּיָדוֹ יִשְׁתַּרְגּוּ עָלוּ עַל-
צְוֹאֲרֵי הַכֶּשֶׁל כַּחֲסִי נִתְנַנִּי אֲדַנִּי
בְּיָדַי לֹא-אוֹכַל קוֹם: (טו) סָלָה
כָּל-אֲבִירֵי אֲדַנִּי בְּקִרְבִּי קָרָא עָלַי
מוֹעֵד לְשֹׁבֵר בַּחֲוָרֵי גֵת דֶּרֶךְ אֲדַנִּי
לְבַתּוֹלֵת בַּת-יְהוּדָה: (טז) עַל-אֵלֶּה
אֲנִי בּוֹכֶיָה עֵינַי עֵינַי יִרְדָּה מִיָּם

פִּי-רָחַק מִמֶּנִּי מִנַּחֵם מִשִּׁיב נַפְשִׁי
 הָיוּ בָנִי שׁוֹמְמִים פִּי גָבַר אוֹיֵב:
 (יז) פִּרְשָׁה צִיּוֹן בְּיַדֶּיהָ אֵין מִנַּחֵם
 לָהּ צוֹה יְהוָה לִיעֲקֹב סְבִיבֵיו צָרִיו
 הִיָּתָה יְרוּשָׁלַם לְנֹדָה בִּינֵיהֶם:
 (יח) צַדִּיק הוּא יְהוָה פִּי פִּיהוּ
 מְרִיתִי שָׁמְעוּ-נָא כָל-עַמִּים
 [הַעַמִּים] וּרְאוּ מִכְּאֲבִי בְּתוֹלְתִי
 וּבַחֲוָרֵי הָלְכוּ בְּשִׁבִי: (יט) קָרָאתִי
 לְמַאֲהָבֵי הַמָּה רְמוֹנֵי פְהֵנִי וְזִקְנֵי
 בְּעִיר גֹּעוּ פִּי-בְקֶשׁוֹ אֲכַל לָמוֹ
 וַיִּשְׁיבוּ אֶת-נַפְשָׁם: (כ) רָאָה יְהוָה
 פִּי-צָר-לִי מֵעֵי חֲמֵרְמָרוֹ נֶהְפֵּךְ לִבִּי
 בְּקֶרְבִּי פִּי מָרוּ מְרִיתִי מִחוּץ
 שִׁפְלָה-חָרַב בַּבַּיִת פַּמּוֹת:
 (כא) שָׁמְעוּ פִּי נֶאֱנַחָה אָנִי אֵין
 מִנַּחֵם לִי כָל-אֲיֵבִי שָׁמְעוּ רַעְתִּי
 שָׁשׂוּ פִּי אֶתְהָ עֲשִׂיתָ הִבֵּאתָ יוֹם-

קָרָאתָ וַיְהִי־וְכַמוֹנִי : (כב) תָּבֵא כָּל-
רַעְתָּם לְפָנֶיךָ וְעוֹלֵל לָמוּ פֶּאֶשֶׁר
עוֹלֵלָתָ לִי עַל כָּל-פְּשָׁעֵי כִּי-רַבּוֹת
אֲנַחְתִּי וְלִבִּי דָוִי :

פֶּרֶק ב :

(א) אֵיכָה יַעֲיֵב בְּאִפּוֹ אֲדַנִּי אֶת-
בֵּית-צִיּוֹן הַשְּׁלִיךְ מִשָּׁמַיִם אֶרֶץ
תִּפְאָרֶת יִשְׂרָאֵל וְלֹא-זָכַר הַדָּם-
רַגְלָיו בְּיוֹם אִפּוֹ : (ב) בָּלַע אֲדַנִּי לֹא
[וְלֹא] חָמַל אֶת כָּל-נְאוֹת יַעֲקֹב
הָרַס בְּעֵבְרָתוֹ מִבְּצָרֵי בֵּית-יְהוּדָה
הִגִּיעַ לְאֶרֶץ חֵלָל מִמְּלָכָה וְשָׁרִיָּה :
(ג) גָּדַע בְּחָרֵי-אֵף כָּל קֶרֶן יִשְׂרָאֵל
הִשְׁיֵב אַחֹר יְמֵינוּ מִפְּנֵי אוֹיֵב
וַיִּבְעַר בְּיַעֲקֹב כָּאֵשׁ לְהַבָּה אֲכָלָה
סָבִיב : (ד) דָּרַךְ קִשְׁתּוֹ כְּאוֹיֵב נֹצֵב

יְמִינוּ כְּצַר וַיִּהְיֶה רֶגַל כָּל מַחְמַדֵּי-עֵין
בְּאֵהָל בַּת-צִיּוֹן שְׂפֵדָה כְּאִשׁ חֲמַתּוֹ:
(ה) הָיָה אֲדָנִי כְּאוֹיֵב בֹּלַע יִשְׂרָאֵל
בֹּלַע כָּל-אַרְמְנוֹתֶיהָ שְׁחַת מִבְּצָרֶיהָ
וַיָּרַב בַּבַּת-יְהוּדָה תֵּאֲנִיָּה וְאֲנִיָּה:
(ו) וַיַּחְמַס כַּגֵּן שֶׁכֶּן שְׁחַת מוֹעֲדוֹ
שֶׁכַּח יְהוָה בְּצִיּוֹן מוֹעֵד וְשַׁבַּת
וַיִּנְאַץ בְּזַעַם-אִפּוֹ מֶלֶךְ וְכֹהֵן:
(ז) זָנַח אֲדָנִי מִזִּבְחוֹ נֶאֱרַךְ מִקְדָּשׁוֹ
הַסְּגִיר בְּיַד-אוֹיֵב חוֹמַת
אַרְמְנוֹתֶיהָ קוֹל נְתָנוּ בְּבֵית-יְהוָה
כִּיּוֹם מוֹעֵד: (ח) חָשַׁב יְהוָה
לְהַשְׁחִית חוֹמַת בַּת-צִיּוֹן נְטָה קוֹ
לֹא-הָשִׁיב יָדוֹ מִבֹּלַע וַיִּאָּבֵל-חַל
וְחוֹמָה יַחְדָּו אֲמַלְלוּ: (ט) טָבְעוּ
בְּאֶרֶץ שְׁעָרֶיהָ אֲבָד וְשִׁבְרַת בְּרִיחֶיהָ
מִלְכָּה וְשָׂרֶיהָ בַּגּוֹיִם אֵין תּוֹרָה
גַּם-נִבְיָאִיהָ לֹא-מָצְאוּ חֲזוֹן

מִיְהוָה : (י) יִשְׁבוּ לָאָרֶץ יְדָמוּ זְקֵנִי
בֵּת-צִיּוֹן הֶעָלוּ עֶפְרַיִם עַל-רֹאשֵׁם
חָגְרוּ שִׁקִּים הוֹרִידוּ לָאָרֶץ רֹאשׁוֹן
בְּתוֹלַת יְרוּשָׁלַם : (יא) כָּלוּ בַדְמָעוֹת
עֵינַי חֲמַרְמְרוּ מֵעַי נִשְׁפַּךְ לָאָרֶץ
כְּבִדִי עַל-שֶׁבֶר בֵּת-עַמִּי בַעֲטָף
עוֹלָל וַיּוֹנֵק בְּרַחֲבוֹת קִרְיָה :
(יב) לְאַמְתָם יֹאמְרוּ אֵיךְ דָּגָן וַיִּין
בְּהִתְעַטְפָם כִּחֲלָל בְּרַחֲבוֹת עִיר
בְּהִשְׁתַּפֵּךְ נַפְשָם אֶל-חֵיק אֲמַתָם :
(יג) מָה-אֶעֱיֹדךָ מָה אֲדַמָּה-לְךָ
הַבַּת יְרוּשָׁלַם מָה אֲשׁוּה-לְךָ
וְאַנְחִמְךָ בְּתוֹלַת בֵּת-צִיּוֹן כִּי-גָדוֹל
כִּי־שֶׁבֶרךָ מִי יִרְפָּא-לְךָ :
(יד) נְבִיאֶיךָ חָזוּ לְךָ שׂוֹא וְתַפֵּל
וְלֹא-גָלוּ עַל-עוֹנֶיךָ לְהַשִּׁיב שְׁבִיתֶךָ
[שְׁבוֹתֶךָ] וַיַּחֲזוּ לְךָ מִשְׁאוֹת שׂוֹא
וּמִדּוֹחִים : (טו) סָפְקוּ עֲלֶיךָ כַּפִּים

כָּל-עֲבָרֵי דָרֶךְ שָׂרְקוּ וַיִּנְעוּ רֵאשִׁים
 עַל-בֵּית יְרוּשָׁלַם הַזֹּאת הָעִיר
 שֶׁיֹּאמְרוּ כָלִילַת יָפִי מְשֹׁשׁ לְכָל-
 הָאָרֶץ : (טז) פָּצוּ עָלֶיךָ פִּיהֶם כָּל-
 אוֹיְבֶיךָ שָׂרְקוּ וַיַּחֲרֻקוּ-שֵׁן אָמְרוּ
 בְּלִעְנֵנוּ אַךְ זֶה הַיּוֹם שֶׁקִּוִּינָהוּ
 מִצָּאֵנוּ רָאִינוּ : (יז) עָשָׂה יְהוָה
 אֲשֶׁר זָמַם בַּצֵּעַ אָמַרְתוּ אֲשֶׁר צִוָּה
 מִיָּמִי-קֶדֶם הָרַס וְלֹא חָמַל וַיִּשְׁמַח
 עָלֶיךָ אוֹיֵב הַרִים קָרוֹן צָרִיךְ :
 (יח) צָעַק לִבִּים אֶל-אֲדֹנָי חוֹמַת
 בַּת-צִיּוֹן הוֹרִידִי כִנְחָל דְּמָעָה יוֹמָם
 וְלַיְלָה אֶל-תִּתְּנִי פּוֹגַת לָךְ אֶל-תִּדְּם
 בַּת-עֵינֶיךָ : (יט) קוֹמִי רִנִּי בַלִּיל
 [בַּלִּילָה] לְרֹאשׁ אֲשֶׁמְרוֹת שֶׁפָּכִי
 כִּמִּים לִבֶּךָ נִכַח פָּנֵי אֲדֹנָי שְׂאִי
 אֱלֹיו כִּפִּיךָ עַל-נֶפֶשׁ עוֹלָלֶיךָ

הַעֲטוּפִים בְּרָעַב בְּרֹאשׁ כָּל-
חוּצוֹת: (כ) רְאֵה יְהוָה וְהִבִּיטָה
לְמִי עוֹלֹלָתָהּ כֹּה אִם-תֹּאכְלֶנָּה
נָשִׁים פְּרִים עֲלֵי טַפְחִים אִם-
יִהְרַג בְּמִקְדָּשׁ אֲדַנִּי כֹהֵן וְנָבִיא:
(כא) שָׁכְבוּ לְאַרְץ חוּצוֹת נֶעַר וְזָקֵן
בְּתוֹלְתֵי וּבַחוּרֵי נָפְלוּ בַּחֶרֶב הֲרָגָתָם
בְּיוֹם אֶפְדָּ טַבַּחְתָּ לֹא חָמַלְתָּ:
(כב) תִּקְרָא כְיוֹם מוֹעֵד מְגוּרֵי
מִסָּבִיב וְלֹא הָיָה בְּיוֹם אֵף-יְהוָה
פָּלִיט וְשָׁרִיד אֲשֶׁר-טַפַּחְתִּי וְרַבִּיתִי
אֵיבֵי כָל־סוֹס:
פֶּרֶק ג':

(א) אֲנִי הַגִּבּוֹר רְאֵה עָנִי בְּשֹׁבֵט
עֲבָרְתוֹ: (ב) אֹתִי נָהַג וַיִּלְדֶּךָ חֲשָׁדָךְ
וְלֹא-אוֹר: (ג) אֵדָךְ בִּי יִשָּׁב יִהְפֹּךְ יָדוֹ
כָּל-הַיּוֹם: (ד) בָּלָה בְּשָׂרֵי וְעוֹרֵי
שִׁבְרֵי עֲצָמוֹתַי: (ה) בָּנָה עָלַי וַיִּקְרָךְ

רֹאשׁ וּתְלָאָה : (ו) בְּמַחְשָׁפִים
הוֹשִׁיבֵנִי כְּמַתִּי עוֹלָם : (ז) גָּדַר
בְּעַדִּי וְלֹא אֵצֵא הַכְּבִיד נְחַשְׁתִּי :
(ח) גַּם כִּי אֶזְעַק וְאֲשׁוּעַ שְׁתֵּם
תִּפְלְתִּי : (ט) גָּדַר דְּרָכֵי בְּגִזִּית
נְתִיבַתִּי עֲוֹה : (י) דָּב אֲרַב הוּא לִי
אַרְיָה [אַרִּי] בְּמִסְתָּרִים :
(יא) דְּרָכֵי סוּרָר וַיִּפְשַׁחֲנִי שְׁמֵנִי
שָׁמַם : (יב) דָּרַךְ קִשְׁתּוֹ וַיִּצִּיבֵנִי
כַּמְטָרָא לַחֵץ : (יג) הֵבִיא בְּכִלְיוֹתַי
בְּנֵי אֲשַׁפְתּוֹ : (יד) הָיִיתִי שָׁחַק
לְכָל-עַמִּי נְגִינָתָם כָּל-הַיּוֹם :
(טו) הִשְׁבִּיעַנִי בְּמְרוֹרֵים הַרְוֵנִי
לַעֲנָה : (טז) וַיִּגְרַס בְּחֶצֶץ שְׁנֵי
הַכְּפִי שְׁנֵי בְּאֶפֶר : (יז) וַתִּזְנַח
מִשָּׁלוֹם נַפְשִׁי נְשִׁיתִי
טוֹבָה : (יח) וְאָמַר אָבִד נְצַחִי
וַתּוֹחַלְתִּי מִיְהוָה : (יט) זָכַר-עֲנִי

וּמְרוּדֵי לַעֲנָה וְרֹאשׁ : (כ) זְכוּר
 תִּזְכּוּר וְתִשְׁיַח [וְתִשׁוּחַ] עָלַי נַפְשִׁי :
 (כא) זֹאת אָשִׁיב אֶל-לְבִי עַל-פֶּן
 אוֹחִיל : (כב) חֲסִדֵי יְהוָה פִּי לֹא-
 תִמְנֹו פִּי לֹא-כָלוּ רַחֲמָיו :
 (כג) חֲדָשִׁים לִבְקָרִים רַבָּה
 אָמוֹנֶתְךָ : (כד) חֶלְקֵי יְהוָה אָמְרָה
 נַפְשִׁי עַל-פֶּן אוֹחִיל לוֹ : (כה) טוֹב
 יְהוָה לִקְוֹ לְנַפֵּשׁ תִּדְרֹשׁנוּ :
 (כו) טוֹב וַיַּחֲיֵל וְדוּמָם לְתִשׁוּעַת
 יְהוָה : (כז) טוֹב לְגִבּוֹר פִּי-יִשָּׂא עַל
 בְּנֵעוּרָיו : (כח) יֵשֵׁב בְּדָד וַיִּדָּם פִּי
 נָטַל עָלָיו : (כט) יִתֵּן בְּעַפָּר פִּיהוּ
 אוֹלֵי יֵשׁ תִּקְוָה : (ל) יִתֵּן לְמִפְּהוּ
 לְחֵי יִשְׁבַּע בְּחֶרֶף : (לא) פִּי לֹא
 יִזְנַח לְעוֹלָם אֲדַנִּי : (לב) פִּי אִם-
 הוֹגָה וְרַחֵם כָּלֵב חֲסָדוֹ [חֲסָדָיו] :
 (לג) פִּי לֹא עָנָה מִלְּבוֹ וַיִּגָּה בְּנִי-

אִישׁ : (לד) לְדַפֵּא תַחַת רַגְלֵיו פֶּל
אֲסִירֵי אֶרֶץ : (לה) לְהַטּוֹת
מְשֻׁפֵּט-גִּבּוֹר נֶגֶד פְּנֵי עֲלִיוֹן :
(לו) לְעֵוֹת אָדָם בְּרִיבוֹ אֲדָנִי לֹא
רָאָה : (לז) מִי זֶה אָמַר וַתְּהִי אֲדָנִי
לֹא צָוָה : (לח) מִפִּי עֲלִיוֹן לֹא תֵצֵא
הַרְעוֹת וְהַטּוֹב : (לט) מֵה-יִתְאוּנוּ
אָדָם חֵי גִבּוֹר עַל-חֲטָאוֹ [חֲטָאוֹ] :
(מ) נִחְפְּשָׁה דְרָכֵינוּ וְנִחְקְרָה
וְנִשׁוּבָה עַד-יְהוָה : (מא) נִשְׂא
לְבַבְנוּ אֶל-פְּפִיִם אֶל-אֵל בְּשִׁמְיִם :
(מב) נִחַנּוּ פִשְׁעֵנוּ וּמָרִינוּ אֶתְּהָ לֹא
סָלַחְתָּ : (מג) סִכַּתָּה בְּאֶף וַתִּרְדְּפֵנוּ
הַרְגַתָּ לֹא חֲמַלְתָּ : (מד) סִכּוֹתָה
בְּעֵנוּ לָךְ מֵעֲבוֹר תִּפְלָה : (מה) סָחִי
וּמְאוֹס תִּשְׁיַמְנוּ בְּקֶרֶב הָעַמִּים :
(מו) פָּצוּ עָלֵינוּ פִיהֶם כָּל-אֲיָבֵינוּ :
(מז) פָּחַד וּפַחַת הָיָה לָנוּ הַשָּׂאת

וְהִשְׁבֵּר׃ (מח) פִּלְגֵי-מַיִם תִּרְד
עֵינַי עַל-שֶׁבֶר בַּת-עַמִּי׃
(מט) עֵינַי נִגְרָה וְלֹא תִדְמָה מֵאִין
הַפְּגוֹת׃ (נ) עַד-יִשְׁקִיף וַיֵּרָא יְהוָה
מִשָּׁמַיִם׃ (נא) עֵינַי עוֹלָלָה לְנַפְשִׁי
מִכָּל בָּנוֹת עִירֵי׃ (נב) צוֹד צָדוֹנִי
כַּצַּפּוֹר אֵיבֵי חֲנָם׃ (נג) צָמְתוּ בַבּוֹר
חַיִּי וַיִּדּוּ-אָבֹן בִּי׃ (נד) צָפוּ-מַיִם
עַל-רֹאשִׁי אֲמַרְתִּי נִגְזַרְתִּי׃
(נה) קָרָאתִי שִׁמְךָ יְהוָה מִבּוֹר
תַּחֲתִיּוֹת׃ (נו) קוֹלִי שָׁמַעְתָּ אֵל-
תַּעֲלִם אֲזַנְךָ לְרוּחֹתַי לְשׁוֹעַתִּי׃
(נז) קָרַבְתָּ בְּיוֹם אֶקְרָאךָ אֲמַרְתָּ
אֵל-תִּירָא׃ (נח) רַבַּת אֲדַנִּי רִיבִי
נִפְשִׁי גָאַלְתָּ חַיִּי׃ (נט) רְאִיתָה
יְהוָה עֲוֹתַתִּי שְׁפָטָה מִשְׁפָּטִי׃
(ס) רְאִיתָה כָּל-נִקְמָתָם כָּל-
מַחֲשַׁבְתָּם לִי׃ (סא) שָׁמַעְתָּ

חֲרַפְתֶּם יְהוָה כָּל-מַחְשַׁבְתֶּם עָלַי :
(סב) שִׁפְתַי קָמִי וְהִגִּיוֹנִם עָלַי כָּל-
הַיּוֹם : (סג) שִׁבְתֶּם וְקִיַּמְתֶּם
הַבִּיטָה אֲנִי מִנְּגִינְתֶּם : (סד) תָּשִׁיב
לָהֶם גְּמוּל יְהוָה כַּמַּעֲשֵׂה יְדֵיהֶם :
(סה) תִּתֵּן לָהֶם מְגִנֹת-לֵב תִּאֲלָתֶךָ
לָהֶם : (סו) תִּרְדֹּף בְּאֵף וְתִשְׁמִידִם
מִתַּחַת שָׁמַי יְהוָה :

פרק ד :

(א) אֵיכָה יוֹעַם זָהָב יִשְׁנָא הַכֶּתֶם
הַטּוֹב תִּשְׁתַּפְּכֶנָּה אֲבֵנֵי-קֶדֶשׁ
בְּרֹאשׁ כָּל-חוּצוֹת : (ב) בְּנֵי צִיּוֹן
הִיקָרִים הַמְּסֻלָּאִים בַּפֹּז אֵיכָה
נִחְשְׁבוּ לְנַבְלֵי-חָרָשׁ מַעֲשֵׂה יְדֵי
יוֹצֵר : (ג) גַּם-תִּנְיִן [תַּנִּים] חָלְצוּ
שֵׁד הַיְנִיקוּ גוּרֵיהֶן בַּת-עַמִּי לְאַכְזָר
כִּי עֵנִים [כִּיעֵנִים] בַּמִּדְבָּר :

(ד) דָּבַק לְשׁוֹן יוֹנֵק אֶל-חִפּוֹ בַצָּמָא
 עוֹלָלִים שָׁאֵלוּ לָחֶם פִּרְשׁ אֵין
 לָהֶם: (ה) הָאֲכָלִים לְמַעַדְנִים
 נִשְׁמּוּ בַחֲוָצוֹת הָאֲמָנִים עָלֵי תוֹלַע
 חֲבָקוּ אֲשַׁפְּתוֹת: (ו) וַיִּגְדַּל עֲוֹן בֵּית-
 עַמִּי מִחֲטָאת סֹדֶם הַהִפּוּכָה כְּמוֹ-
 רָגַע וְלֹא-חָלוּ בָּהּ יָדַיִם: (ז) זָפוּ
 נְזִירֵיהָ מִשְׁלַג צָחוּ מִחֶלֶב אֲדָמוֹ
 עֲצָם מִפְּנִינִים סִפִּיר גִּזְרָתָם:
 (ח) חָשַׁד מִשְׁחֹר תְּאָרֶם לֹא נִכְרוּ
 בַחֲוָצוֹת צָפַד עוֹרֶם עַל-עֲצָמָם יָבֵשׁ
 הָיָה כָּעֶץ: (ט) טוֹבִים הָיוּ חֲלָלִי-
 חָרַב מִחֲלָלִי רָעַב שָׁהֶם יָזוּבוּ
 מִדְּקָרִים מִתְּנוּבַת שְׂדֵי: (י) יָדֵי
 נָשִׁים רַחֲמָנִיּוֹת בְּשָׁלוּ יִלְדִיהֶן הָיוּ
 לְבָרוֹת לָמוֹ בְּשֶׁבֶר בֵּית-עַמִּי:
 (יא) פָּלָה יְהוָה אֶת-חֲמַתּוֹ שָׁפַד
 חֲרוֹן אַפּוֹ וַיֵּצֵת-אֵשׁ בַּצִּיּוֹן וַתֹּאכַל

יִסּוּדְתֶיהָ : (יב) לֹא הֶאֱמִינוּ מַלְכֵי-
אֶרֶץ וּפְל [פֶל] יֹשְׁבֵי תִבְל כִּי יָבֹא
צָר וְאוֹיֵב בְּשַׁעְרֵי יְרוּשָׁלַם :
(יג) מִחֲטָאת נְבִיאֶיהָ עֲוֹנוֹת פְּהֶנֶיהָ
הִשְׁפְּכִים בְּקֶרְבָּה דָם צְדִיקִים :
(יד) נָעוּ עֹרִים בְּחוּצוֹת נִגְאָלוּ בַדָם
בְּלֹא יוֹכְלוּ יִגְעוּ בְלִבֵּישֶׁיהֶם :
(טו) סוּרוּ טָמֵא קָרְאוּ לָמוּ סוּרוּ
סוּרוּ אֶל-תִּגְעוּ כִּי נָצוּ גַם-נָעוּ
אָמְרוּ בַגּוֹיִם לֹא יוֹסִיפוּ לָגוּר :
(טז) פְּנֵי יְהוָה חֲלָקָם לֹא יוֹסִיף
לְהַבִּיטָם פְּנֵי כְהֻנִּים לֹא נִשְׂאוּ
זְקֻנִים [וְזֻקְנִים] לֹא חָנְנוּ : (יז)
עוֹדִינָה [עוֹדִינוּ] תִּכְלִינָה עֵינֵינוּ
אֶל-עֲזָרְתֵנוּ הָבֵל בְּצַפִּיתֵנוּ צַפִּינוּ
אֶל-גּוֹי לֹא יוֹשֵׁעַ : (יח) צָדוּ צַעֲדֵינוּ
מִלְכַת בְּרַחֲבֵתֵינוּ קָרַב קְצִינוּ מָלְאוּ
יְמֵינוּ כִּי-בָא קְצִינוּ : (יט) קָלִים

הָיוּ רֹדְפֵינוּ מִנְשָׂרֵי שָׁמַיִם עַל-
 הַהָרִים דָּלְקָנוּ בַּמִּדְבָּר אָרְבוּ לָנוּ:
 (כ) רוּחַ אֲפִינוּ מְשִׁיחַ יְהוָה נִלְכַּד
 בְּשַׁחֲתוֹתֵם אֲשֶׁר אָמַרְנוּ בְּצִלוֹ
 נַחֲיָה בַּגּוֹיִם: (כא) שִׁישִׁי
 וְשִׁמְחֵי בַת-אֲדוֹם יוֹשֶׁבֶת־י
 [יוֹשֶׁבֶת] בְּאֶרֶץ עוֹץ גַּם-עַלֶּיךָ
 תַעֲבֹר-כּוֹס תִּשְׁכַּרְי וְתִתְעָרִי:
 (כב) תַּם-עוֹנֶיךָ בַת-צִיּוֹן לֹא יוֹסִיף
 לְהַגְלוֹתְךָ פֶּקֶד עוֹנֶיךָ בַת-אֲדוֹם גְּלָה
 עַל-חַטָּאתֶיךָ:
 פֶּרֶק ה':
 (א) זְכֹר יְהוָה מָה-הָיָה לָנוּ הַבֵּיט
 [הַבֵּיטָה] וּרְאֵה אֶת-חַרְפֹּתֵינוּ:
 (ב) נַחֲלֵתָנוּ נֶהְפְּכָה לְזָרִים בְּתֵינוּ
 לְנִכְרִים: (ג) יִתּוּמִים הָיִינוּ אֵין
 [וְאֵין] אָב אֲמַתֵּינוּ פְּאֵלְמָנוֹת:
 (ד) מִימֵינוּ בְּכֶסֶף שָׁתִינוּ עֲצֵינוּ

בְּמַחִיר יָבֹאוּ: (ה) עַל צְוֹאֲרֵנוּ
נִרְדָּפְנוּ יִגְעֵנוּ לֹא [וְלֹא] הוֹנַח-לָנוּ:
(ו) מִצָּרִים נָתַנוּ יָד אֲשׁוּר לְשִׁבְעַ
לָחֶם: (ז) אֲבֹתֵינוּ חָטְאוּ אֵינָם
[וְאֵינָם] אֲנַחְנוּ [וְאֲנַחְנוּ] עֹונֹתֵיהֶם
סָבְלָנוּ: (ח) עֲבָדִים מְשֻׁלוּ בָנוּ פִּרְק
אֵין מִיָּדָם: (ט) בְּנַפְשֵׁנוּ נָבִיא
לְחַמְנוּ מִפְּנֵי חָרֵב הַמְדָּבָר:
(י) עוֹרְנוּ פֶתְנוּר נִכְמְרוּ מִפְּנֵי
זְלַעֲפוֹת רָעֵב: (יא) נָשִׁים בְּצִיּוֹן עָנוּ
בְּתֵלֹת בְּעָרֵי יְהוּדָה: (יב) שָׁרִים
בְּיָדָם נָתְלוּ פְּנֵי זִקְנִים לֹא נִהְדָּרוּ:
(יג) בַּחוּרִים טָחוֹן נָשְׂאוּ וְנִעָרִים
בְּעֵץ פָּשְׁלוּ: (יד) זִקְנִים מְשַׁעֵר
שָׁבְתוּ בַּחוּרִים מְנַגִּינָתָם:
(טו) שָׁבֵת מְשׁוֹשׁ לְבָנוּ נִהְפָּדָ לְאֶבֶל
מְחֻלָּנוּ: (טז) נִפְלָה עֶטְרַת רֹאשֵׁנוּ
אוֹי-נָא לָנוּ כִּי חָטְאֵנוּ: (יז) עַל-זֶה

הָיָה דָוָה לְבָנוּ עַל-אֵלֶּה חֲשָׁכוֹ
עֵינֵינוּ: (יח) עַל הַר-צִיּוֹן שְׁשִׁמָּם
שׁוֹעָלִים הֶלְכוּ-בוֹ: (יט) אֶתְּהָ
יְהוָה לְעוֹלָם תֵּשֵׁב כְּסֶאֱדָד לְדָר
וְדוֹר: (כ) לָמָּה לִנְצַח תִּשְׁכַּחֲנוּ
תַעֲזֹבֵנוּ לְאַרְדָּיִם: (כא) הֲשִׁיבֵנוּ
יְהוָה אֱלֹהֵי וְנָשׁוּב [וְנָשׁוּבָה] חֲדָשׁ
יָמֵינוּ כְּקֶדֶם: (כב) כִּי אִם-מֵאִס
מֵאִסְתָּנוּ קִצְפֹת עָלֵינוּ עַד-מְאֹד: